



UNIVERSITÄTS-  
BIBLIOTHEK  
PADERBORN

**Henrici Canisi[i] Noviomagi, Belgæ, Jn Academia  
Ingolstadiensi SS. Canonum Profess. Ordinarii & Primarii,  
Opera Quæ De Ivre Canonico Reliqvit**

**Canisius, Heinrich**

**Coloniae Agrippinae, 1662**

In Tit. XVI. De Matrimonio Contracto Contra Interdictum Ecclesiæ.

---

[urn:nbn:de:hbz:466:1-62169](#)

tiam, quem sequitur Panorm. hic per hunc text. nostr. in fine, intra predictos octo annos. Nam loquitur de annis, qui præcesserunt quæ relam instutam coram judicibus. Addit tamen Panorm. quod post pœnitentiam injunctam debeat cohabitare simul, pro arbitrio ipsius judicis, ut & idem textus probat in verbis, & si sorti placet Deo.

**6** Sed ad continuum tempus ita interpretabimur, ut nulla absentia interruapi possit? Quod planè videretur, cum continuum illud dicatur, quod continenter numeratur, prout labitur & currit, l. Si sic constante 7, D. Quemad servit amittit & l. 4, §. Sicutbus D. De statu liberis, ubi annus ita definitur, qui ex continuis diebus trecentis sexaginta quinque constat. Sunt qui contrà sentiunt, afferentes triennium continuum necessarium non requiri: sed satis esse, si triennio cohabitatio quocumque modo impleatur, ac proinde si triennio illo maritus fuerit absens per sex menses, potest hoc tempus suppleri ex alio tempore cohabitatiois. Quæ posterior sententia placet iphi Panormit. cum si continuum esset tempus, facile impediti possent negotia necessaria alibi expedienda per maritum vel mulierem. Arque hanc sententiam putat Panormit. esse de mente literæ, hoc est, auctorem textus nostri id tacitè intellexisse, quamvis quoad corectem, hoc est, verba nuda inspecta videatur contrarium invenire.

**7** Hic incidit alia quæstio, Utrum si dissolutio ne facta matrimonii propter maleficium, ut an-

tè dictum est, aliud rursus matrimonium cum alia muliere inierit maleficiatus, eamque cognoverit, restaurari debeat prius matrimonium, prout de frigidis sup. eod. ad cap. 1, diximus? Et rectè sentiunt, qui negant, per text. in d. can. Si pœnitentias. Alia enim ratio est in frigido, alia in maleficato: siquidem frigiditas impedimentum est naturale, non restrictum ad certam mulierem, sed ad omnes mulieres. Unde dici non potest vir frigidus, qui aliam cognovit, cum eodem modo potuisse uxorem suam cognoscere. Quare hujus matrimonium prius contractum restituatur, c. Laudabilem 5, sup. sod. At maleficium sapientia ad unam personam constringitur, puta ad uxorem, ita quod maleficiatus reliquas mulieres possit cognoscere, non autem uxorem suam. Quo sit, ut si maleficiatus, divorcio facto, aliam duxerit, eamque cognoverit, non tamen ideo maleficium sublatum intelligatur, quoad priorem uxorem, proindeque prius matrimonium non restituatur. Quam diversitatis rationem adferat Panormit. ad cap. 1, in fine sup. eod. & Dominicus Soto in IV. Sentent. dist. 3, 4, art. 3, ubi tamen rectè monet, si fortè vir cum priore conjugé, à qua propter maleficium separatus fuit, privatim cum eadem congregatur, eamque cognoscat, quod hac specie matrimonium prius restituti debeat, eadem ratione, quam de frigido attulimus. Vide latius eumdem Dom. Soto d. loco & Martin, Del-Rio Diquisit Mægicar. lib. 3, quæst. 4, sect. 6.

## IN TIT. XVI. DE MATRIMONIO CONTRACTO CONTRA INTERDICTUM ECCLESIAE.

### S U M M A R I A.

1. Interdictum Ecclesiae circa matrimonia quam vim habeat.
2. Quid si non obstante interdicto contractum fuerit matrimonium?
3. Pœna contemnenonis interdictum judicis.
4. Intellectus cap. penult. sup. De sponsa duor.

**H**unc Tit. brevibus verbis perstringam. In quo tractatur de matrimonio contra interdictum Ecclesiae, id est, Ecclesiastici iudicis contracto. Solet enim quandoque judex Ecclesiasticus interdicere matrimonium inter duos contrahendum, vel quia alter eorum antea

cum alio tertio sponsalia contrixerat, ut in cap. 1, & in cap. 2, inf. hoc sit, quæ nefas est violari sine causa, c. De illis 7, § fin. sup. De despensat. impub. juncta l. 1, in pr. D. De consit. pecun. vel quis intelligit hinc metuit judex inter contrahentes subsit impedimentum consanguinitatis, affinitatis, aut aliud canonicum impedimentum, cap. fin. inf. eod. & cap. penult. sup. De sponsa duor. cap. pen. sup. De despensat. impub. cap. Cum in Apostolica 18, De sponsal. Ne igitur matrimonium contra §§. Canones contrahatur, propter hujusmodi impedimentum, quod fortasse subsit inter contrahentes, rectè interdicit judex inter eos matrimonium, donec de impedimento plene cognitum sit, jurib. allegatae. Sed statuamus nihilominus contractum esse a matr-

matrimonium, non obstante interdicto judicis, aude matrimonium constabit? In sponsalibus expediti juris est, quod ea solvantur per matrimonium subsequens cum alio aliave, c. Sicu 22, & cap. Si inter 31, sup. De spons. Idem est, si nullum revera subest impedimentum canonicum inter contrahentes; nam & tunc valere matrimonium dubitare non convenient, ed quod interdictum judicis non est impedimentum à Canonicis introductum, ut matrimonium contractum dirimat, sed ut impedar tantummodo, donec de causa cognitum sit impedimenti objecti.

Ne tamen interdictum judicis impunè contemnatur, aut elusorum sit, distinctio quoad penam hanc adhibetur, ut, si agatur de impedimento, perpetuam causam habente, quale est impedimentum cognationis, affinitatis, publicæ honestatis, & similium, de quibus supra suis locis egimus, matrimonium quoad cohabitationem mutuam interim separetur, quo usque de impedimento constitetur: quo probato matrimonium penitus dissolvitur, aut potius declaratur nullum inter ipsos contractum fuisse matrimonium, c. fin. inf. eod. Si agatur de impedimento temporali, veluti de sponsalibus, qua perpetuam causam non

habent, sed multis modis, præcipue per matrimonium subsequens dissolvuntur, sicut latius videtur est in Summa mea 1. de sponsalib. contrahentes quidem à se invicem separari non debent, sed pro arbitrio judicis pœnitentia ipsis imponitur, vel etiam disiunguntur ad tempus à cohabitatione mutua, c. 1, & 2, b. 2.

Ex quibus liquet, quo sensu accipendus sit textus in d. c. penult. sup. De sponsa & nov. quo matrimonium irritata contractum contra interdictum judicis Ecclesiastici: quo scilicet interdixerat judex, ne partes pendente judicio de matrimonio, aliud interim matrimonium inirent. Quod cum secus factum esset, consultus hac de re 8. Pont. peteri, inquit, matrimonium tam presumptuose contractum irritare. Nam hoc verbum, irritare, non ita simpliciter accipendum est, quasi matrimonium planè & penitus irritandum sit, sed quod ad judicium institutum de priore matrimonio, ut scilicet posterioris matrimonii usus tam diu irritetur, quo usque prioris matrimonii controversia definita fuerit, per text. in d. cap. fin. b. tit. Gl. & Innoc. ad d. c. penult. Rationem autem diximus, quod interdictum non sit impedimentum, matrimonium, si contractum sit, dissolvendi.

## IN TIT. XVII. QUI FILII SINT LEGITIMI.

## SUMMARIUM.

1. Legitimi filii aut nascuntur.
2. Aut sunt per subsequens matrimonium, per rescriptum Principis.
3. Item per adoptionem, per nominationem patris.

**E**X filiis quidam legitimi sunt, quidam illegitimi. Legitimi aut nascuntur, aut sunt. Nascuntur ex justo matrimonio, quales hi presumuntur, qui domi ex uxore nati sunt, l. Filium 6. D. De his qui sui vel alieni iur sunt, vel faltem ex eo matrimonio, quod publicè & bona fide contractum est, etiam si revera nullum sit, propter latens impedimentum canonicum, c. 2, & ibidem infra 3. dicam inf. eod.

2. Fiant autem legitimi per subsequens matrimonium cum concubina vel alia muliere, ex qua suscepit suum, cap. Tertia 1. & 6, ubi etiam latius infra eod.

Item legitimi sunt per rescriptum summi Pontificis, sive supremi Principis secularis, de quibus in cap. Per venerabilem 13, inf. eod tit. Reliqui liberi, qui illegitimi sunt, dicuntur naturales, nothi, spuri, manzares, adulterini, qui quales sint, explicabitur ad d. cap. Per venerabilem. De his igitur omnibus agitur Tit. hoc nostro.

Sunt & jure civilium modi legitimandi, vide- licet per adoptionem, per obligationem curiæ, de quibus tit. Instit. Denupt. l. 3, & l. Communium 9, C. Denatural lib. Item ubi pater liberos suos naturales vocat in testamento, sive in instrumento publico, sive privata manu scripto habente subscriptionem trium testium, non adjiciendo tamen, quod liberi naturales sint, uti videtur est in Nov. 89, & 217, & in Auth. Sine legitimis cum Auth. seg C jam d. tit. Verum de his nulla hoc Tit. menio est.